

趙恭毅公自治官書類集

趙恭毅公自治官書卷之十目次

長沙何祖柱蒐輯

牌檄

吏政類

飭取官員賢否密揭檄

查叅貪酷劣員檄

改委署府檄

改委兼攝同知檄

飭查松柏司巡檢盤踞府城檄

通飭縣丞關縣文內僭越稱廳檄

禁 大計私派檄

駁縣府混詳抗覆檄

駁查被參楊令捏詞反噬檄

戶政類

禁軟擡硬駝積弊檄

起程迎 駕飭禁私派重耗檄

查新田縣仍設里長派費檄

查新寧私派檄

禁房費規禮檄

飭查東安縣捏造錢糧四月完半檄

查湘鄉縣貪婪檄

駁宜章縣仍設里長私派檄

新寧縣里棍冒銷私派檄

禁奏銷私派檄

靖州潘吏目私派腳價檄

禁藉旱災派費檄

駁臨湘縣加派優免檄

查耒陽縣仍設甲長檄

叅承定衛加派檄

州縣捐耗減半并停止後擁工食檄

仿府縣審詳錯謬檄

禁火耗私派檄

禁巧取火耗檄

飭查臨湘署令徵收錢糧過急檄

禁庫書干預彈餉檄

飭解餉編號填批檄

飭衡州府差催錢糧檄

飭長沙擅設甲催檄

查各屬催比錢糧檄

飭列花戶田畝數目檄

趙恭毅公自治官書類集卷之

牌檄

吏政類

飭取官員賢否密揭檄

爲飭取官員賢否事照得民生之休戚總由吏治之淑慝而下吏之懲勅尤在大僚之激揚本都院謬膺簡命節鉞湖南叨荷

主恩報稱無地每思勉効涓埃以免罪戾而才疎見淺

自治官書

卷十

牌檄

取官員賢否密揭

一

懷麓堂

德薄力微愧無以表率屬員輯安編戶斯夕循省愧懼  
實深惟是苦陋自井淵水自矢一點樸誠愚性不揣謬  
謂可以質鬼神可以對官民并可以告

君父但官方不肅則民困難甦而舉錯混淆則甄別美  
瀕蒞任三月有餘無刻不留心吏治多方採訪畧有見  
聞然幅幘遼瀕耳目未周倘官評偶一弗當則封章卽  
爲罪案該司道服官茲土匪朝伊夕察吏安民籌之必  
悉所有官員賢否合行飭取爲此仰該司道官吏照牌  
事理卽將所屬各官詳加察核孰爲貪賄難容孰爲閑



冗尤劣孰爲浮濫不職孰爲老病尸居秉公執法據定  
開報毋徇私情而廢公道毋摘細故而縱巨愆毋舍目  
前而開俸宥毋寬大吏而譴微員限三日內密揭實呈  
以覈察奪如有徇庇不舉及開報失寔定當一體糾叅  
以肅

王章至新經到任者又溘从試觀成如一年之後果有  
洗心滌慮循卓足稱卽當會列薦剡用昭鼓勵事關舉  
劾 大典慎毋玩視致干未便慎速慎速

查叅貪酷劣員檄

爲查叅劣員以肅吏治事照得安民必先察吏而吏治之日下總在大吏之交通近來各地方官貪濫成風庶隅罔顧或假詞訟以婪贓或借催科而重耗或結屬員而過付或縱蠹役爲爪牙或徵歛徧及市廛或需索指稱規例甚至入醉鄉而酷虐逼婦命而號冤苛政穢聲昏天蔽日卽彼署門任出入坊檢謁何私宅蓄優伶清勤安在種種劣跡本都院確有訪聞歷歷官邪三該司豈無耳目總由徇私濫公以致扶同隱庇本應徑叅姑

行飭查爲此仰布按三司官吏照文事理即便會同將  
所屬不肖劣員真贓實款開明詳揭以憑核辦毋再遲  
延致以徇庇併叅未便慎速慎速

改委署府檄

爲改飭委署以策吏治事照得知府一官綜理闔郡所  
闕甚鉅查署衡州府事董知府自委署以來承審大案  
或依樣率詳而事情錯謬或縱胥沉瀾而定限逾延因  
循日久墮快必甚合行改委爲此牌仰該司官吏照牌  
事理卽將衡州府篆立委該府同知盧承德接受任事  
併嚴飭該同知殫心供職累已奉公毋以代庖而置休  
戚於不問毋以權官而惟囊索之是營毋以一州九縣  
逢迎而坐收貪婪之餘潤毋以三分三厘禁革而多加

節壽之陋規一有故遣糾叅不貸

改委兼攝同知墩

爲飭行改委以肅憲綱事照得職官大小自有定序毋得僭越有乖體統乃該司理問吳亮揆因護理長沙府同知事務一應行禮不循本職竟躋於知府之班愚爲於知縣之上殊爲狂妄爲此仰布政司官吏照文事理卽將長沙府同知事務改委該府隨堂兼攝仍報明督部院批示遵行

飭查松柏司遷檢盤踞府城檄

爲嚴飭事照得設官分職各有備司而巡檢一官尤有  
地方之責豈容擅離汛地今查衡陽縣松柏司巡檢俞  
尊祥並不駐劄該處衙門乃敢盤踞府城毫無顧忌包  
審民間豈衡陽縣又設一理事官乎該縣之故縱固干  
法紀該府典司一郡何以漫無稽察一任橫行均屬不  
合合行嚴飭爲此仰衡州府官吏照文事理即將衡陽  
縣松柏司巡檢俞尊祥立即逐歸汛地毋再盤踞府城  
包攬納賄敢有故違卽行詳揭以憑斥究如或別有發

覺則狗庇之咎併難爲該府縣寬也



通飭縣丞闕縣文內僭越稱廳檄

爲欽奉

恩詔等事爲查詳內益陽縣縣丞沈文英關縣文內自稱敝廳但服官既有尊卑豈容任意僭越查府縣廳衙各有分別縣佐稱衙猶府佐之稱廳也本都院當年作令凡縣丞關移皆稱外衙或偶稱敝衙從無僭稱廳者近來世俗日偷微員益肆縣佐及府首領等官俱不屑稱衙而稱廳不思此輩以廳自居將置同知通判於何等乎豈同知通判亦可不屑稱廳而別有名位乎抑同

知通判縣丞皆可混稱廳而漫無分別乎沈文英之無  
知不足責但此風一長上司視爲無甚關係而置之不  
問則么麼得志足高氣揚更將何底君子必先正名難  
以姑縱仰該司嚴加通飭取各遵依報查

禁 大計私派檄

爲特嚴藉派之弊以肅 計典事照得康熙四十五年  
舉行 大計前准 部咨業已檄行司道欽遵在案茲  
當 計期伊邇事關黜陟 大典本都院惟有秉公甄  
別具 題但恐不肖有司借稱 計費及造冊名色暗  
行私派違法累民亦未可定合行飭禁如有州縣官吏  
藉稱 計費冊費科派等弊或經訪實或被首告官則  
叅究吏拿杖斃斷不姑寬各宜凜遵毋忽

欽定大清會典事例 卷八十五 戶部 計典 大計

駁縣府混詳抗覆檄

爲 奏銷已屆杗棍抗糧事據該縣申稱生員劉梅抗糧一案隨批該縣明知瀆詳咎不獨在經承乃並不聲明緣由竟敢抗批不脛且以事在完結混詳免提該府又據詳率轉似此府縣通同真以上司供其侮玩矣仰卽將該府藐法經承解轅究訊繳等因疊檄嚴催止將該府經承一解塞責其該縣抗不解訊而該縣瀆詳

學院以久經批革之案反稱連詳未允批黜是何情由抗不回覆則該縣混詳於前昏庸已極復抗覆於後藐

悖殊甚該府身膺表率始終庇延均屬溺職合行查叅  
仰司卽將昏庸藐悖及衡州府徇庇玩延各職名速行  
揭報以憑 題叅毋得遲緩

駁查被叅楊令捏詞反噬檄

爲特叅貪劣事據該司呈詳奉 督部院牌開審據楊朝鳳供內有唐祖命詐騙若不是情真犯官未叅之先如何敢詳趙撫臺求審並不批發現有印稿在等語查朝鳳借端索詐一案本都院先有訪聞後又提被害之監生張琰到案查訊據張琰當堂遞有開單一紙稟詞一摺過付有人數目鑿鑿本都院查閱情節婪贓無忌大玷官箴又據兩司揭報前來是以會同前督部院具疏 題叅隨將張琰開單稟摺發長沙府附卷可據今

楊朝鳳計圖脫罪突出狡謀種種捏詞無端變幻更謂未叅之先具詳本都院並不批發卽稿現在是其挾仇夙噬險毒甚明但詳文繕寫必有書辦封發必有經承中文必有月日郵筒必有號數馬遞舖遞必有號簿此皆歷歷可稽非可信口噴蠖至卽稿之說當未摘卽以前提易首三提張琰提趙二積日累時彰明較著楊朝鳳有卽在手何所不爲若以卽稿足憑則仇口何難任造合行飭審爲此仰按察司官吏照文事理卽提楊朝鳳嚴訊未叅之先所有具詳繕寫係何書辦封發係何

經承中文係何月日郵筒係何號數或馬遞或舖遞有  
無登列號簿逐一研究卽捉繕寫之書辦封發之經承  
取具確供照依月日號數查明某角幾件係由馬遞舖  
遞號簿曾否登列具文詳報以便核對本都院收文簿  
上月日號數併存房詳驗各文備行檢發立見反噬險  
謀毋得縱任欺昧仍先報 督部院查究施行



戶政類

禁軟擡硬駝積弊啟

爲再行嚴革軟擡硬駝之積弊以絕私派永除民累事  
照得湖南積弊害民莫甚於私派而地方官不通同豪  
紳劣衿則不能私派不通同奸蠹則不能私派其私派  
之法有硬駝有軟擡借名公費指一派才駿削脂膏克  
盈囊橐民窮財盡戶怨家愁茲蒙

聖天子軫念遠民洞察積弊特頒

恩諭盡革私徵誠湖南數百萬生靈出湯火而登衽席

之時也乃不肖官役利慾薰心弁髦

功令以法紀爲不足畏以身家爲不足惜以地獄爲不足憑以人非爲不足辱刀頭之蜜難舍腹內之珠可藏因里長奉革別立催頭都總鄉總百總總催各項名色或硬駝或軟擡其名雖有不同其實總爲私派紛紛控告忿恨填膺查康熙三十九年內前督部院郭 條陳楚地之陋弊一疏軟擡硬駝已經奉

旨勒石永禁煌煌

天語寧敢違悖本都院秉節南楚冰心釐剔期於劑絕

根苗若不嚴行革除何以恪遵

綸綽近據衡山祁陽兩縣詳請廢甲編區並無里長名目畱心民隱庶爲盡職而訪聞各屬尚多陽奉陰違殊堪痛恨合行出示嚴飭嗣後如有膽大貪官仍用軟擡硬駝不法棍蠹開克催頭都總鄉總百總總催等項人役希圖假公派私剋剝小民者或被受害里民告發或經本都院訪聞官則糾察提問棍徒立拿杖斃決不使虎狼坐食法網虛懸慎之思之毋致後悔等因除出示禁革外合行嚴飭爲此牌仰該司道府官吏照文事理

卽便嚴行所屬務將軟擡硬駝催頭等項名色立行革  
除如有貪污官蠹藐法不遵立即飛揭叅處併將里棍  
盡法處治本都院恭承 諭旨誓爲百姓拔此禍根爲  
各官除此弊政該司道府因循陋習不行嚴禁定以徇  
庇一體糾叅所有發來告示一道卽張掛署前曉諭一  
體祇遵該州縣衙毋以功名身命輕試吾法併具切實  
遵依報查

起程迎 駕飭禁私派重耗檄

為再行嚴飭私派重耗以肅官箴以安民生事照得湖南向來私派多端加耗甚重本都院自蒞任以來欽遵上諭屢頒諄示通飭嚴禁其屬吏中有愆不畏死故干法紀者俱經指名 題參究審在案茲逢

皇上南巡本都院現在起程前往江南恭迎

聖駕但道路迢遞往返需時誠恐各屬不肖官役親伺本都院公出耳目難及復萌故智私派重耗婪賍擾民合再通飭嚴禁即便嚴飭該屬各官潔已奉法不得藉

端苛派重加火耗如有不肖官役復踵錮弊或假公濫  
派或重耗肥囊吮嚼民膏其蹈法網該州府卽據實揭報  
以憑官叅役斃倘敢扶捏隱諱及通同科歛本都院旋  
署之日一經察訪或被告發定將該管上司叅處稟遵  
毋違

查新田縣仍設里長派費檄

爲嚴禁官蠹不悛之鋼弊永除里長受累之苦名以杜私派以甦民困事照得本都院恭膺

簡命來撫此邦 陛辭之際欽承

綸旨諄諄以盡革私徵力減加耗再三誥誡故蒞任之後卽通行勒石併將湖南陋習名目盡行出示嚴禁私派餽送有禁 奏銷陋弊有禁軟搖硬耽有禁今已隔歲猶恐諸弊復作又經出示嚴禁徵糧并 奏銷各項陋弊俱經刊示徑發各該府州縣總期大法小廉愛養

斯民凡在官役不至良心滅絕自宜改悔恪遵斷無不  
怕死只要錢之官役自此盡滌肺腸小民得出湯火則  
本都院亦免罪愆豈意耳目所不及竟爲豺虎所橫行  
如新田縣每歲十二月初一日里長接役點名過堂一  
戶索銀十兩又長夫二名每名折價十二兩印色八錢  
執事一兩二錢再如差頭押保每戶五錢戶房裁串每  
張三四分不等徵取錢糧火耗分釐不減版圖官丁有  
錢減去無錢增添種種陋規樁樁虐政小民吞聲剗肉  
莫可告愬今前令雖已物故署令仍復踵行不知何物



大膽包天敢於自同化外尤可恨者知府惟貪却縣之  
餽送不惜自己之身家通同剝削擲食分肥本都院亦  
受其朦蔽未及清釐是新田百姓之仍遭苦累無非巡  
撫失察之貽害地方除嚴提經管經承究處外合行給  
示曉諭爲此示仰新田縣紳士里民人等知悉嗣後里  
長名色永行革除雜派陋規永行禁止爾等各將自己  
分下應納錢糧按季自封投櫃輸納如有官役慝不畏  
死仍立四空一當之里長勒索前項陋規許爾等赴轅  
稟控一經察實官則叅拿役卽杖斃併將縱貪分贓之

自清官書  
知府一併飛章治罪決不姑貸等因除繕示徑發該縣  
教官典史張掛曉諭外合就飭查爲此牌仰該府縣官  
吏文到卽查該縣前項里長名色各項私派陋規因何  
竟不革除敢於藐視功令速行據實詳覆併將該縣悖  
旨私派同該府徇庇各職名立即開報以憑 題參毋  
得隱飾遲違致干差提未便

查新寧私派檄

為發審事案照私派一項凜奉 諭旨嚴行禁革本都  
院諄切告誡幾於舌敝頰枯乃各州縣愍不畏法寧舍  
功名性命以徇里棍之奸謀以圖贏餘之蠅利殊可恨  
也亦足悲焉據新寧縣陳元生等訴稱寧邑每糧一石  
仍派銀一兩二錢每石又派銀三錢等語本都院批閱  
情詞不禁髮豎專關私派法難寬縱為此仰賢慶府同  
知王組嚴加究審毋得徇縱速速

禁房費規禮檄

為遵查公捐事為照楚南積弊私派層層苛政虐民倍加猛虎本都院蒞任之日宜頒

上諭通曉官民其一切私派次第嚴行痛革與所屬各官自必改心革面察已奉公但大法期於小廉上行歸於下效詎意仍有陽奉陰違愍不畏法披閱冊內所開款項不禁髮豎查州縣官員既不能私派於民二年俸工俱係捐解本年火耗又經議捐一半所存無幾茲據該縣呈稱捐解房費規禮等項合計一千一百九十八

兩有奇是司道府廳官役竟皆目無

功令使奉法州縣何以勉應苛求本應摘尤叅拿姑念  
計典伊邇稍爲寬假以觀後效該司蒞任方新承流宣  
化之任務宜振刷僚屬嚴行釐剔使州縣官員杜絕私  
派民生得以休息今據前情害民病

國莫此爲甚合行抄飭爲此仰布政司官吏照文事理  
卽速移行司道府廳一切衙門房費盡行革除其節壽  
照常減半務期審時量力毋或忘身黷貨一千

國典追悔莫及敢有怙終不悛該司立即揭報以覈叅

余慎之

飭查東安縣捏造錢糧四月完半檄

為查驗原文以彰已過以恤民艱事本年九月二十七日據東安縣驗報起解本年錢糧內稱為通飭開徵錢糧事奉本府牌奉布政司牌開奉本都院憲牌內開照得湖南四十二年錢糧例應四月完半九月全完所有該縣應徵下半餉銀均難緩悞等情據此照得四月完半九月全完乃起解協餉之定例湖南民賦並未盡撥協餉若據以催科地方官藉稱九月全完橫行徵比激加敲扑而蠹胥虎役從中勒索有錢者延擱不完無錢

者徒受血責又該府經承乘機需索常規票催差提絡  
釋如織究竟民膏盡於雜費賦稅仍是虛懸且九月果  
應全完紀錄何以稱歲內 奏銷奚必待來年

朝廷無此定例巡撫豈得捏添徒滋累於小民終無補  
於

國課此本都院昔任縣令洞悉其弊而歷年里若目擊  
其苦者豈至今日而忘之前據涇潭縣呈報徵比屯糧  
九月全完方滾次欠本都院以其催科無術業提該管  
經承責懲諭令分限挾催務於歲內全完今據前因不



勝愧恨必係本都院經承滕蔽謄寫本都院老悖批行是湖南里民無端致受徵比敲扑此皆本都院之罪殊忝撫綏而責懲湘潭縣胥亦爲刑不當罪更屬非法但據該經承吏書堅稱遍查並無此行明係欺飾合行飭查爲此牌仰該司官吏卽刻檢查原奉本都院牌文責令經承親齎呈閱以憑查奪施行等因奉此該本司遵奉憲檄卽檢查康熙四十二年分春間通飭開徵牌文內並未開報奉撫憲檄行之語卽節次行催稿內亦未備開奉撫憲飭令四月完半九月全完之行至行催

下半年餉銀不惟查無開叙憲檄飭令九月全完之語  
卽通飭開徵註語亦無此行不識東安縣從何突然叙  
此牌由具報茲奉飭查理合具文詳覆等因到院准此  
隨詳批既據詳稱並無此行仰卽嚴查永州府是何經  
承大胆捏造立提解究繳今將兩月竟未詳覆不知係  
該司未經遵批轉行抑或該府捏造於前以致碍難回  
覆合行徑檄查催卽將東安縣呈報文內稱奉本部院  
催檄四月完半九月全完等語是何大胆經承捏立卽  
嚴查詳覆核奪併將經承解報親訊如敢遲延支飾定

行專員鎮提重究該府亦大有未便切速

查湘鄉縣貪婪檄

爲嚴飭查禁以杜貪婪事照得湖南加派膏民特甚上年欵承

諭旨盡革私徵本都院三令五申不啻唇焦頰禿本年

三月初三日據羅鴻集呈控湘鄉縣每兩正餉外復增

八錢八分外又有火耗又名爲毛銀約計二千七百餘

兩本都院一見此詞一聞此語不覺撫几切齒隨批該

府卽提樞書劉式輝嚴加究審解訊在案又據生員陳

長鉞等訴稱湘邑蠹書蕭勝禎等唆官覩法重爲民害

折色一項每兩火耗一錢二分約賍四千一百餘兩  
田一畝派銀四釐約賍二千七百九十三兩等情各控  
院據此事關遼

旨私徵該管上司何以全無覺察合行一併飭審爲此  
仰府官吏查照來文事理卽將生員洪祥年等所控情  
詞一併嚴審明白據實詳揭以憑核叅毋得徇延致干  
未便速速

駁宜章縣仍設里長私派檄

爲行查優免事爲照楚南私派橫徵剝民脂膏本都院  
久已洞悉蒞任之日卽宣布

上諭通曉官民嚴行痛革其里長催頭都總押差等項  
人役業已次第革除以避民困而不法有司陽奉陰違  
徃徃借優免以逢迎紳士得遂其私派之奸本都院是  
以通行嚴飭今據稱該縣優免官不免而私有免牢不  
可破之錮習除免之外有四千餘石當差十年一次等  
語是該縣私派公然未除里長仍然未革蔑視

功令莫此爲甚又云有隱避之弊克差每年不過二三百石該縣若無里長雜派有何隱避之弊有何克差又云有免與無免均無大害於民但利害不兩立猶之貪廉不並行該縣身膺百里不長

王章乃敢作此模稜之語欺誑上司苦累百姓本應卹行指叅姑行駁查爲此仰宜章縣官吏照文事理卽將因何不遵禁令尚有私派里長優免及隱避之弊并混稱有免與無免均無大害之處逐一據實明白詳覆以憑核奪敢再支詞掩飾卽差鎖經承赴轅究訊叅處不貸

新寧縣里棍冒銷私派徵

爲違禁濫派等事查新寧縣爲湖南小邑額徵錢糧無幾而私徵濫於正供雖由百通公議而里棍陳元生等把持經營混冒私肥誠屬里民中之蠹賊也本部院當堂逐一研訊如四十年餘銀二百六十餘兩並無支用之處又四十年十二月起預支四十一年派費銀內撥補柴薪銀一百八十兩明係假捏冒銷應與四十年餘銀二百六十三兩一併照追其未完尾欠銀現在嚴禁私派不便仍行照追至該縣身在地方一任里棍私派



橫行而該府爲一郡表率漫無覺察均難辭咎念事在  
赦前從寬免叅仍嚴飭記過府胥羅玉良怠玩延緩已  
經責懲併行該州縣知照毋違

禁奏銷私派繳

爲再行嚴禁 奏銷私派以肅官箴以紓民力事照得  
湖南向來陋弊不一本都院蒞任兩載欽遵

諭旨竭力革除務期弊絕風清以仰副

聖主軫恤黎元至意至如 奏銷一項歷來官吏借名

暗派或稱部費或稱房費橫索銀錢分歸囊橐本都院

洞悉此弊嚴加禁革已不啻三令五申矣茲當四十三

年民屯起存驛站錢糧南米奏銷在郎恐有不肖官役

仍踵故習及劣衿奸棍串同胥黨指稱 部冊名色併

假院司道府書役紙筆之費剝削小民上下分肥殊干  
法紀除再出示嚴禁外爲此稟仰司道府縣官吏遵照  
嗣後如有官蠹不遵示禁仍假 奏銷錢糧各目科派  
使費苦累窮民或被害告發或經本都院訪聞官則  
飛章恭處役則立拿杖斃斷不姑貸各宜凜遵毋輕試  
法

靖州潘吏目私派腳價檄

爲條陳肆虐等事案查靖州士民明瑄等詞控該州積穀因水次不通州主詳明在長沙買辦每石起派腳銀一兩二錢外水腳二錢四分共計三千三百五兩有本州吏目見利可行托情領銀委解外又包三鄉三里之米又勒派夫價銀九十五兩復派岳州水腳銀九百一十八兩後奉文變價僅得銀七百六十九兩又新招捕役百外餘人凡踏勘墳山勒索禮物新立陋規火夫馬夫等項每年四十八兩硃紅銀二十四兩濫准民詞大

事折長夫小事折白米且奉祈求而私行宰殺縱僕役而凌毆斯文封印開印放炮陞堂出入騎乘溢路等情控院當經本都院批閱詞內一支目微員如此聲勢更且貪婪目無法紀當經批仰辰沅靖道提究在案因署道料理軍前未經提訊昨據藩司詳報該支目潘光禧雖經病故但查積穀碾米一案每石起派餉銀外派水脚勒派夫價雜費等銀是否卽係支目所派又新招捕役百外餘人係何名姓踏墳索禮何人過付火夫馬夫旗鑼珠紅等銀每年交進必有其人又濫准詞訟大事

折長夫小事折白米必有內外交通線索又祈求私宰  
縱僕毆斯文亦必有僕役姓名封印開印放炮火藥又  
出自何項如此劣蹟該知州竟不詳報何以漫無見聞  
抑或知情通同合就撥行該道即將各款嚴查確實務  
得真犯逐加研訊解轅毋得遲延

禁藉旱災派費檄

爲嚴禁藉端苛派以除民累事照得湖南地方向來陋弊有一事卽有一派橫征科歛倍於他省本都院下車之始遵奉

上諭嚴革私徵通行曉示務除積弊近蒙

恩詔雜派款項應永禁革以安民生煌煌

天誥敢不恪遵今入夏以來雨澤愆期致有長屬之湘鄉等縣衡屬之衡陽等縣岳屬之平江縣共十處地方各報夏被旱災情形業經本都院彙疏入告并批令各

委官單騎前往踏勘在案其續報之銜屬耒陽縣亦現  
在繕疏間爾等百姓既被旱災誠恐地方棍蠹人等向  
經包攬歷肆侵隱此番仍蹈故轍希圖藉端科派以遂  
分肥殊堪痛恨合亟嚴禁如有不肖棍蠹敢於藐視

功令指稱報災名色私派打點陋規以及造冊查冊府  
司院部等項費用派取銀錢者許爾民據實赴轅控訴  
以覈官則飛奏棍蠹立拿重究法在必行各宜凜遵毋  
忽



駁臨湘縣加派優免檄

爲行查優免事爲照該縣於地丁外議加優免則似無缺額毋庸派補惟查由單內丁糧項下開列有優免字樣今檢查該縣由單內糧免銀三百一十四兩零丁免銀一百七十四兩零折半該銀八十七兩零與糧免銀合算四百一兩九錢零均係奉裁克餉卽實征冊內丁糧另派報部之數也餘丁銀八十七兩卽係該縣冊開四百六十九戶瓜分之數此項原未奉裁則應就此八十七兩四錢之內扣除優免乃查該縣前詳內稱優免

銀兩自順治年間奉裁充餉之時閩縣紳衿士民於地  
丁銀一萬三千二百兩之外公議加定額優免銀八十  
七兩零每年於開徵之時查明現在公分歷今數十年  
之事等語但據由單查該縣紳衿等應充銀兩卽係  
丁糧奉裁一半外尚存一半之數何故將存留一半盡  
行抹煞反於地丁外議加優免銀以爲瓜分之地使小  
民苦累成例紛更殊屬不合亟行駁查爲此仰布政司  
官吏照文事理卽查臨湘縣因何不照由單扣除優免  
擅議加銀瓜分各緣由確查明白據實詳報以便核奪

毋得率泥致干未便

查未陽縣仍設甲長檄

爲再行嚴查事案照湖南積弊害民種種不一本都院蒞任以來一切私派雜費等項陋弊俱經疊示嚴禁復慮不肖官役利慾薰心因里長奉革別立催頭都總百總急公飯東押差軟撞硬駝各項名色藉端私派剋剝小民又經刊示遍發所屬飭禁各出具遵依實報在案各州縣自應恪遵徵收錢糧設立滾單令民自封投櫃昨據該府詳到未陽縣民劉効武詞告武劣劉某等包攬錢糧私報甲首一案人犯前來本都院庭訊之下查

驗該縣差催硃單設立甲首名色凡花戶錢糧俱責成  
甲首催納如有未完卽差押甲首包賠嚴加刑比苦累  
小民溺職已極該府身任地方竟不畱心覺察一任該  
縣肆意妄行殊屬徇縱合行嚴查爲此仰衡州府官吏  
卽將來陽縣因何不遵禁示徵收錢糧不用滾單設立  
甲長奉何成例速行嚴查據實詳報以憑核參仍先提  
該縣經管錢糧正身經承批押解鞫究毋得遲違速  
速

參永定衛加派徵

爲查叅事照得衛弁一官既有錢糧之責自應恪遵法紀潔已奉公斯稱厥職况新奉

上諭嚴行禁革敢不祇遵訪有永定衛徵收錢糧每石額銀外多徵八九分名爲損銀又每石多徵銀一錢名爲添搭又有搭稱及等耗浮於正供外派雜徭每石四五錢不等似此多立名目恣意剋剝怨聲載道該弁固目無三尺該司豈無見聞乃竟上下通同橫徵虐歛殊堪痛恨合行查叅爲此票仰該司卽查永定衛徵收錢

糧因何每石徵銀八錢名爲損銀又加至九錢名爲添  
搭又有稱收穀耗淨於正供外派四五錢不等或係該  
衛弁借名婪贓或係該關司暗收分肥卽據實明白詳  
報以覈參處毋得刻遲飛速飛速

州縣捐耗減半并停止後擁工食糧  
爲酌議均減以杜派耗之端事照得欽奉

上諭一案據司道會詳知縣以上各捐兩年俸工修建  
南嶽及各州縣將加一火耗之內扣捐五分清補軍需  
用項誠爲急公至誼但州縣之所入旣少則取之州縣  
者亦不得不減若欲州縣以存半之耗仍循常例勢必  
有所不能在奉法自愛者旣苦於束手之無策而登壘  
不肖者方趁此藉口以爲私派加耗之計徒博公攜之  
美名實行剝民之厲政本都院實有深愧焉實有深恨



焉州縣所得之耗既捐其半則一應上下交際亦且應存其半雖本都院無可減省亦將州縣所捐後攤工食盡行裁去稍寓軫恤之意合行通飭為此牌仰該司官吏照牌事型即便遵飭所屬一應交際止存其半及衙役隨規嚴加禁革不得照常需索濶廉爲貪本都院後攤既裁其州縣所捐工食一概停止如所屬有藉口捐耗暗行私派及多收重耗者一經察出定將該管上司一併叅處決不姑貸

飭府縣審詳錯謬檄

爲積保侵賦等事查得單頭歇保名色久經疊示嚴禁完納錢糧俱令里民自封投櫃各屬俱已稟遵何沅陵縣抗不遵依既有單頭又有積保種種不法該府竟不嚴察及至告發惟知庇惜衙蠹全不顧念小民本都院親提訊鞫真情盡露原案全非不知該府縣前詳何以糊塗錯謬竟至於此沈傑收李成首九兩一錢李成首供收銀是真卽沈傑亦認收字不諱而該府縣捏造李成首口供謂託沈傑帶銀上納已經完了並沒收帖是

鄭子惠假造出來的此一謬也全啓義並非全啓忠而該府縣指全啓義卽全啓忠此二謬也又以沈傑寫與全啓忠借票指爲全啓義借票置沈傑重索全啓義銀一兩五錢於不問此三謬也沈傑收過全啓忠等餉銀又寫借帖勒重完銀二兩七錢而該府縣俱指爲是借而非收銀此四謬也鄧三兒止欠餉銀二兩六錢六分沈傑寫借票收銀三兩並不完餉以致鄧三兒與單頭龔之倫重複賠完而該府縣以借銀是真並非侵收錢糧此五謬也沈傑收鄭仲宦銀一兩六錢四分並不

餉以致單頭鄧子君替完而該府縣捏作口供謂鄭仲  
宦供稱糧已全完並無重徵之事此六謬也龔之倫供  
贖保家沈傑收銀甚明且痛哭極言欺保之害而該府  
縣捏造口供謂龔之倫供沈傑不是保戶又供帶納銀  
子都完過了此七謬也鄭子惠繳縣收字三張沈傑供  
收銀十兩八錢今止賫收帖二紙而該府縣反謂二帖  
收數與告數不符此八謬也鄧子君供全啟義鄭仲宦  
錢糧完納不及小的受比不過只得代他借完至今沒  
有還小的而該府縣並不訊明追還此九謬也沈傑收

糧侵盜件件是真而該府縣反坐鄭子惠以誣告擬流  
此十謬也似此糊塗錯謬之官定此糊塗錯謬之案不  
意吾屬竟有此知府知縣藐法虐民不意沈傑何幸而  
得此知府知縣曲爲護持不意吾民何不幸而遭此知  
府知縣叠爲坑陷然上有好巡撫下屬那有此府縣本  
都院當堂見單頭糞之倫哭訴坐監追比之苦并詳陳  
欺保侵吞之害不覺代爲墮淚通身汗下則縱此衙蠹  
欺保以戕賊吾民更縱此知府知縣以坑陷吾民是皆  
巡撫之罪也於知府何尤於知縣更何尤沈傑侵取李

成首等銀四兩三錢又鄧三兒銀三兩又全啟義銀一兩五錢又全啟忠全啟文全啟之共銀二兩七錢九分又鄭仲宦銀一兩六錢四分共銀一十三兩二錢三分應革役照侵盜錢糧律刺字杖八十徒二年贓銀追完解驗給主全啟義欠糧銀八錢五分鄭仲宦欠糧銀一兩四錢五分追給鄧子君收領報鄧三兒全啟義鄭仲宦拖欠錢糧并鄭子惠將伊子鄭國祚出名應役希圖代管縣事俱各分別責懲鄭國祚已經縣革免議張璽將沈傑收糧借票擅行批照顯有通同情弊註冊候劾至

本都院不能嚴叅州縣實革卓頭款保以致糊塗錯謬  
之府縣庇蠹害民大膽朦詳自行記過一次以誌余疚  
合行嚴飭爲此仰府官更卽使逐一查明遵照併提該  
縣錄供經承及該府錄供經承卽日解訊毋違

禁火耗私派徵

爲嚴禁火耗私派之弊肅吏治以安民生事照得州縣徵收錢糧應照部頒法馬不許私加火耗正賦之外亦不許私派使費禁令森嚴孰敢干犯無如不肖有司利令智昏聽信蠹役額外誅求再徵收錢糧外加耗贈甚至指稱應付過往差使有火費年終奏銷造冊有常規種種剝削紙不勝書本都院蒞任之始已經刊刻條約通行禁飭在案近訪得州縣各官奉法惟謹者固不乏人而怙惡不悛者亦復不少豈



功令不足畏而身命不足惜耶良由司道府等官交相  
取盈賄賂公行故州縣不得不敲骨吸髓耶借百姓爲  
餽獻之資司道不得不粧尊推啞故縱奸貪爲酬答之  
具是以苛派之禁雖嚴而耗費之加如故獨不思民爲  
邦本設官原以愛民方今

聖主在上渴詔屢頒無非優恤元元之至意凡屬臣工  
食

君之祿自當愛民如子夫何惟利是趨上下交征恬不  
爲怪豈徒

國法難容卽清夜自思寧能無愧本都院恭膺  
特簡受恩深重惟知愛養百姓報涓埃之萬一卽以革  
除火耗規屬僚之官箴今值開征伊邇除出示嚴禁外  
合併飭行務宜凜遵毋得稍違大千未復

禁巧取火耗檄

爲摘禁巧取火耗以杜奸欺以甦民力事照得加耗私  
徵爲今日有司第一厲政已經本都院嚴示禁飭矣乃  
今訪聞竟有陽存革耗之名陰取漁利之實每逢徵納  
條銀限期俱令花戶自封投櫃及拆兌之時不在公堂  
不依 部法於私衙密室內用大戥併封稱驗及聽憑  
庫役家人高下其手將各甲名下混註輕少若干殊籤  
火票四出拿人加倍賠罰猶不慊意以致小民對証無  
憑吞聲忍氣錢糧已完而仍受敲扑且打發差錢班錢

反數倍於正銀額數在縣塗飾耳目欺瞞上官以爲花  
戶自投可免加耗之指摘而孰知苛剥窮簷較昔尤甚  
貪蠹之巧於攫金乃至於此昔人有云一法立百弊生  
又云有治人無治法洵不誣也本都院聞見最真摘禁  
宜急合行嚴禁嗣後徵收錢糧無論設櫃稱取自封投  
櫃總以盡革火耗爲主如投櫃稱收必照司頒

部法不許另用重法大戕及外加小馬任意低昂如花  
戶自封必須先示諭小民較準部式庫平比民間小戕  
實重若干每里給與押字戔子一把令其上納之時遵

照稱準然後實封投櫃至當堂拆封之時或有分釐不足止許懸牌示知或粟差里長責令下限照數補完不許差役提拿酷刑賄罰敢有貪官衙蠹不遵禁約仍前於部法之外濫加火耗加馬稱收等弊或假借自投輕少名色差拿里民花戶賄罰擅自刑責者許被害小民據實不時呈告本都院現在設法查訪得實定提庫役胥差立時處死本官飛章奏按贓擬罪不貸

飭查臨湘署令徵收錢糧過急愒

為起解錢糧事為照徵收錢糧因月完半九月全完係指部撥協餉而言至於催徵地丁起運經徵之官原係按日計筭考成故有歲內全完方准議叙之例牧民有司自應寓撫字於催科庶幾上不悞

國下不病民斯稱厥職今該同知在任不及半年徵銀至一萬餘兩明係敲扑從事希圖多收耗羨且查臨湘縣前據該同知詳報五月以後暑熱薰蒸傳染疫癘當經本都院捐製藥丸并同司道發銀飭令分行賑給撫

恤不遑幸獲潛消該同知應當體恤民情設法調劑詎  
乃不顧民瘼苛政橫施殊堪痛恨本應叅處姑將賚到  
批廻飭行發換卽將發下連批作爲存庫更換該縣任  
內文批一面起解一面清查交代遵照例限詳賚毋得  
遲違違速

禁庫書干預彈餉做

爲嚴飭庫官稱彈以專責成事照得藩庫設立庫官凡  
錢糧出入俱應庫官秉公執平彈兌不得高下其手其  
庫書止令包封記數毋許干預稱彈致滋弊藪今庫官  
楊承馨稟稱俱係庫書謝某李某蕭某執平彈兌殊屬違  
禁合行嚴飭嗣後該司一應收放錢糧務令庫官當堂  
執平照數彈兌不得假手庫書任意高下如有故違除  
將怠玩庫官斥革外定提該胥重究不貸



傍解俸編號填批檄

爲飭行照舊編號填批事照得州縣起解錢糧連批原  
據司道會詳令各州縣徑行編填字號資院驗發該司  
道出給實取鈐蓋號印呈截以省繁費等因當經如詳  
批令飭遵在案今該司道繼承自行刷批給發州縣填  
解每張勒索銀二三錢不等若錢糧數目微茫之間借  
端駁換一張又發銀二三錢不等卽此一年之連批州  
縣已有數百金之費用不知此項出於何處繼承藐玩  
日肆兇齊州縣屬員殊難剗肉合亟飭行爲此仰府官

史照文事理飭令各屬嗣後連批仍照舊徑行編號齊  
院請驗發司道鈐印轉呈不得重複跳越致干駁換未

便速

飭衡州府差催錢糧檄

為嚴催解 部銀兩事為照州縣徵收錢糧乃不按限  
徵解因屬疲玩而差役臨屬保無藉端派擾卽應差催  
亦須擇其遠近今查衡陽縣係在該府附郭不難一呼  
卽應面令完解何必差役守催致滋擾害顯係經承差  
役通同作奸圖索陋例殊堪痛恨合飭查究為此仰衡  
州府官吏照文事理卽將該府附郭之衡陽縣未完錢  
糧因何不檄催面令徵解混行差催情由立速查明詳  
報以憑核奪併將混差之經承差役解核訊究毋得故

違欺飾致干咎戾

飭長沙擅設甲催檄

爲飭查事照得州縣各官徵收錢糧從前設立里長現  
年又改爲單頭甲首族長等名目各異貫同總屬苦累  
小民官役易於誅求愚懦受其擾害本都院蒞任以來  
嚴行痛革不啻三令五申飭令設立滾單小民自封投  
櫃挨戶滾催庶各戶易投輸納而愚民不致包賠今據  
長沙府呈賚長沙縣並無保戶糧差單頭甲首族長等  
項名色墨刻遵依前來本都院隨喚長沙經承查訊據  
供該縣自三月起至又七月止每甲設甲催二名每都

共二十名等語親筆供詞在案是該縣設立甲催之名  
公行厲政該府不能禁止反爲袒飾上下挾同日無法  
紀殊堪痛恨除將該經承發縣取保外合行飭查爲此  
仰布政司官吏照文事理迅卽嚴查長沙縣因何不遵  
禁令擅設甲催奉何明文及該府通同併該司不行覺  
察各情由逐一查明據實詳報核奏毋得徇庇遲延未  
便違

查各屬催比錢糧檄

爲通查各屬催科大畧以觀成績期歸至當事照得任  
土作貢小民有分內之輸將量入爲出司農有及時之  
催督國家課吏視催科之賢否爲殿最蓋有由然也然  
必催科者之法善則賦足而民安不善則賦誦而民病  
矣湖南各屬每年賦稅數十萬訪聞所屬有司惟以追  
比爲務不問其法之善與不善其間有不催排年花戶  
而前比里長者里長強則恣意以指派苛收里長弱則  
示孫以賄完代責又有不催排年花戶并不催里長而

焉其里差者里差之出於官募則勒里遞之飯食里差  
之出於里舉則皆里遞之親知是以里差徇情則任欠  
不完遇卯塘比里差玩法則包收侵蝕迺累重賠甚有  
蠶里劣衿攬克都總等項名色請領印串沿鄉填給稱  
取則任其加耗繳官之餘另有私羨限簿則任其填報  
執照之數每有不符官與之和則分肥猷媚官與之異  
則黨衆悞公凡若此皆弊政也撫屬有司各官或生長  
財賦之區或歷任繁劇之地胸中非無良法羨意特以  
民之安常習故更張則事冗而掣肘於豪強亦有已之



好逸惡勞循守則事簡而縱情於般樂惟以足額賦爲  
要計副考成爲能事誰復計於蠹弊民害之間耶事關  
吏治要務合行查詢速將該州縣催徵錢糧現行何法  
有無前項累官病民情弊造具簡明一冊詳送該府如  
有便民良法卽於冊內另立一條該府於各屬冊到之  
日卽查所行所議之法何者爲便詳加看語申送該司  
如有已見亦卽陳說該司於各府冊到之日再加斟酌  
至當定議具詳核奪楚南偏僻之鄉催科之法率多未  
詳該州有宜化之責且爲錢糧總匯務卽刻日查議慎

切實七

飭列花戶田畝數目檄

爲飭列田畝之數以清積弊事照得則壤成賦小民有  
應輸之正供按畝科糧賦稅有一定之常制乃湖南州  
縣歲輸錢糧冊書戶竊濠棍劣衿朋比爲奸乘丈糧之  
後將闔縣糧石任意加酒上下分肥小民吞聲忍累無  
可告訴卽如巴陵縣冊蠹賣糧八百餘石隱糧四百有  
奇皆加派於闔縣糧石攤納雖經發覺杖配小民賠苦  
已不堪言本都院訪查湖南州縣徵糧各花戶名下止  
有糧石若干並無田畝數目奸胥權捺筆下旣可任意

二九  
一  
大率由此查全書內原載某則田若干註明每畝科糧若干每糧一石徵銀若干今雖不能縷晰詳列亦宜倣此開造庶錢糧有無增減地畝是否相符納戶可以一目了然而奸蠹亦難憑空假捏茲康熙四十四年新例開徵伊始所有花戶實徵已經飭造本都院再四思維不核田畝終非良法合亟飭行爲此仰司官吏照文事理即便通飭所屬各將閩州縣都甲花戶四十四年分現在應輸餉銀遵照檄飭查造實徵細數務於花戶名

下先開某則田地及山塘頭畝次列糧石若干次列徵  
銀若干徵米若干次列丁銀若干核正無弊然後按數  
開徵以便依數完納倘敢因循徇習及聽任經胥冊書  
仍前濫混欺虐窮民或經察出或被告發定卽官祭後  
處決不輕宥